

MME MBET DUOPEBA EMI EKESIODE

EDOŃ

Matthew 10:1-42

OYOHQ UKPEP-ŃKPQ 81

Eke Ikpo Owo

IKQ IBUOT: “Koro okpono Mi ememem, mbiomo Mi onyũ efefere” (Matthew 11:30).

I Edikot Mbet Duopeba Nsin Ke Utom Abasi

1. Eno mmọ odudu ndinam utom emi ekekotde mmọ, Matthew 10:1; Mark 3:14, 15; Luke 9:1, 2
2. Esiak mme enyiñ mbet duopeba emi ekekotde mme Apostle, Matthew 10:2-4; Mark 3:16-19
3. Utom emi ekesiode mmọ edoñ ekenyene Ufok Israel ikpoñ, Matthew 10:5, 6; Nwede Mbon Rome 1:16

II Mme Item Ke Abańa Utom Emi Mmọ Ekenyenede Ndinam

4. Mmọ ekenyene ndikworo Ikọ Abasi nnyũ ñkọk udoño ke ikpikpu, Matthew 10:7, 8; Mark 16:20; Utom Mme Apostle 20:35
5. Mmọ inyeneke ndida okuk mme ukpuho ofoñ-idem, Matthew 10:9, 10; 6:31, 32; Luke 10:3-7
6. Mmọ enyene ndidañ ke ufok emi enyimedede mmọ, mmọ eke esinde mmọ enyene ubiom-ikpe, Matthew 10:11-15; Utom Mme Apostle 13:51; 1 Nwede Corinth 9:14; Luke 10:10-12

III Ukobọ Ye Ukut

7. Kpa nte ekesuade Oboñ, kpukpru owo eyesua mmọ ñko ke ntak Eti-mbuk, eyenyũ eda mmọ eka ke iso mbon esop, Matthew 10:16-25; Luke 10:3; John 15:18; 16:33
8. Ini kedi emi kpukpru se owo kiet-kiet edide ediyararede, Matthew 10:26, 27; 1 Nwede Corinth 3:13; Nwede Mbon Rome 2:16; Ecclesiastes 12:14
9. Mmọ inyeneke ndifehe owo ke mibohoke Abasi emi etiñde enyin ke ñkpri inuen onyũ ekerede kpukpru ndito Esie, Matthew 10:28-31; 6:25-33
10. Utip emi anade onọ mmọ emi edinyimedede Christ; ańwa-ańwa ye isuñi emi anade onọ owo emi edikañde Enye, Matthew 10:32, 33; Eriyarare 3:5; Luke 9:26; Titus 1:16
11. Mme asua mmọ edidi mbio ufok mmọ, Matthew 10:34-37; Nwede Mbon Rome 8:35
12. Uwem Unana-ibuk edi se eyomde man enyene nsinsi uwem, Matthew 10:38, 39; 16:24, 25; Mark 8:34, 35; Matthew 6:19, 20; Luke 12:33; John 12:24-26
13. Edidiñ enyene mmọ emi enyimedede mme isuñ utom Esie, Matthew 10:40-42.

SE EKPEPDE EBAŃA

Ińwań Ukpeńe Adat

Mbemiso Jesus osio mbet duopeba odoñ, Enye okodu ke okposoñ utom ndikok udoño ndinyũ mbin ndidehe spirit mfep. Otu owo ema etiene Enye. Mbom ama anam Enye ndien Enye odoho mbet Esie ete, “Ke akpaniko idok okpon, edi mme anam-utom iwakke. Ebeñe ndien Enyene-idok ete, Enye osio mme anam-utom odoñ edi ke idok Esie.” Mme mmọ oro ema edoño ke spirit; ñko enyũ eyom “Abia Ibok.” Idorenyin mmọ ama okpu; mmọ ema eyom edidemere.

Ediwak isua ebe toño ke ini oro, edi nnyin ikut ite ke ererimbot osuk odu ke utọ itie oro mfin. Ikot mme anam utom ke akaka iso edi mme anam utom iwakke, ińwań adat ke esit ama. Nte nnyin iditetie ise nte mme ukpoñ ekpañade etak, itre ndidomo ofuri ukeme nnyin ndisuan Eti-mbuk?

Edikot Mbet

Usen kiet nte Jesus asańade ke mben inyań Galilee enye okut Peter ye Andrew nte ekode iyak. Enye okot mmọ ete ekpoñ iyire etiene Imọ. Ini kiet mmọ ekpoñ iyire mmo etiene Jesus. Jesus ke afiakde asańa esisit ke mben inyań aka iso, Enye okut James ye John nte edioñde iyire mmọ, enye onyũ okot mmọ ete, etiene Imọ. Ini kiet mmọ ekpoñ iyire mmọ enyũ etiene Jesus. Nso ediyere ikot Eti-mbuk edi emi! Spirit Abasi ke atuak ke usuñ esit kpukpru owo mfin emi. Mme mmọ emi ekpoñde “ini kiet” se mmọ enamde etiene Jesus ekpri adańa didie!

Imokut nte ekotde mbet eken ekpoñ nsio-nsio ubok-utom mmọ. Matthew ekedi owo emi obode utomo. Kpukpru mmọ ema ekut mme utom emi Jesus akanamde, ye nte Enye ekesikokde udoño. Emi ekedi ini ukpep-ńkpọ mmọ; mmọ ekedi mme nsek ndito ke Christ, ndien mmọ ekenyene ndibọ ukpep-ńkpọ ke abańa edinen ido. Paul etiñ ete, “Man owo Abasi enyene oyoho ifiok onyũ ebeñe idem ke kpukpru nde ndinam eti utom ekeded” (2 Nwede Timothy 3:17). Efiak etiñ ete, eti usuñ owo ndinam mbeñe-idem ke abańa utom Abasi edi owo ndikpere Abasi nnyũ nneme nneme ye Enye kpukpru ini.

Mme Ukpep-ńkpọ Ye Isuñ Ukpep ńkpọ Esie

Mbet Jesus emi ikoboho ukpep-ńkpọ mmọ ke ufok-ńwede mme ke itie ukpep-Ikọ Abasi nte edide ke eyo mfin emi, edi ekepep mmọ ke usen ke usen eto ebuana mmọ ye Jesus nte mmọ esańade ye Enye enam utom. Ini kiet

Jesus ọkọm Ete Esie koro Enye okodipde mme ọfiọk nkpọ owo ye mbon eti ibuo ọkọm emi, edi ayarade ọnọ mme nsek nditọ ye mbon nsuhọre-idem emi edinimde ikọ Esie ke akpanikọ.

Ke mbufa ufọk Abasi eyo emi, se etim eyomde edi ukpep-nkpọ ye ifiọk ererimbot emi, emi ke ediwak idaha anamde efre ebaña nkañ spirit ye ata edimana obufa. Jesus ọkọdọhọ Nicodemus ete, “Ke akpanikọ ke ndọhọ fi nte, Edieke owo mitọhọke ntak imana, enye ikemeke ndikut obio ubọn Abasi” (John 3:3). Mfin emi nnyin kiet-kiet imekeme ndimana iman ye Jesus oto ke edimana obufa.

Mme Mbet

Ekebem iso ekot owo duopeba emi mbet. Idaha emi esiode mmọ edọn utom ekabare ekot mmọ mme Mbet. Mbet edi enye emi ọbọde item onyũ asańade ye owo efen. Edi Mbet edi isuń utom emi esiode edọn. Ikot ndidi mbet edi ikot ndibọ ukpep-nkpọ. Ikot Mbet edi ndisańa utom.

Ikedighe ke ndudue ke Jesus ekemek owo duopeba emi editode ke mmọ, Enye ọtọhọ ufọk Abasi Esie. Ibat mbet duopeba emi asańa ukem-ukem ye ibat mme ete mbuotidem esien Israel duopeba. Ke nńwed Eriyarare etiń enọ nnyin ete ke enyiń mme Mbet duopeba edu ke itiat idak-isọn obufa Jerusalem. Ewet enyiń mme Mbet iba-iba; ekeme ndidi ekeshio mmọ edọn iba-iba nte ewetde mmọ nko iba-iba.

Mme Jew Ke Akpa

Christ ekedi ke abańa ikot Esie mme Jew. Utom Esie mi ke ererimbot akpan akpan ekedi ke abańa mme Jew. Enye ebem iso osio mbet Esie ọdọn ke otu mme Jew; edi ke ntak unana edinim Enye ke akpanikọ ye edisin Christ, ema emen Eti-mbuk esok mme Gentile. Paul ọkọdọhọ ete “Koro but inamke mi ye Eti-mbuk; koro enye edide odudu Abasi, emi ọwọrọde erinyańa ọnọ kpukpru owo eke ebuotde idem; ọnọ mme Jew ke akpa-itie, onyũ ọnọ mme Greek” (Nńwed Mbon Rome 1:16). “Ọnọ mme Greek” ọwọrọ ete, ọnọ mme Gentile.

Christ ikeshinke ndiyak akpanikọ nno mme Gentile ke ini mmọ eketienede Enye. Ke ini nńwan Syrophoenicia, emi eyen ańwan esie ọkọdọhọde ekebinede Jesus, Jesus ọkọdọhọ enye ete idighe se ikemde ndimen uyo nditọ uduok nno mme ebua. Edi nńwan ete, “Emekem Ọbọn: koro mme ebua enyũ ediade nkeńe udia eke etode ke okpokoro mme andinyene mmọ eduońo” (Matthew 15:27). Jesus ama okpono mbuotidem esie onyũ ọkọk uduońo eyen- ańwan esie. Nńwan emi ekedi owo Gentile edi enye ama ada okut ata akpanikọ ke ini enye eketińde mme ikọ emi.

Mme Item Ke Abańa Utom Abasi

Mmọ ikenyeneke ndikama gold mme silver ke ekpat mmọ, mme ekpat isań ke abańa isań mmọ. “Koro eyen- utom odot udia esie.” Ọkpuhọre adańa didie ye mme mboho ikọ Abasi ererimbot mfin emi! Ndusuk mme asuan- etop Abasi eyo emi eyom esiak ibat okuk-ọfiọn emi edikpede mmọ mbemiso mmọ enyime ndinam utom.

Ke obio ekededi eke mmọ ekedukde ke esit, mmọ ekenyene ndibup owo eke odotde: nko ke ini eke mmọ edukde ke ufọk, edieke edarade mmọ, mmọ ekenyene ndidań do enyũ eyak emem mmọ odorode ke esit; edi edieke ufọk oro esinde mmọ, mmọ ekenyene ndikeń ntan ikpat mmọ nte nkpọ ntiense nno ufọk mme obio oro.

“Sese mmosio mbufo ndọn nte mme erọn ke ufot mme ekpe ikot.” Tọhọ nte mme akpa ete ye eka nnyin ekedue, ekon odudu ekim ye odudu uńwana ke akaka iso kpukpru ini. Jesus ọtọt mme Mbet enyene ibuo nte urukikot” oro edi ndidu ke mbeńe-idem nditiń ikọ ntiense ndian Ọbọn Jesus ke ini ekededi eke enyenede ifet. “Enyene ibuo owo omum ukpon” (Mme Nke 11:30). Ikanaha mmọ enana ifiọk ebańa nkarị andidiok. Kpa ye oro mmọ ekenyene “ndifure nte ibiom” oro edi, ndinyene ifure-ifure ye suń-suń ido ke ini edisakde mme edikọbode mmọ. Jesus ama ọtọt mmọ ete ke eyekọbọ mmọ ke ntak imọ, eyenyũ eyak mmọ enọ Mbon esop; edi Enye ọdọhọ mmọ ete ekufehe mme nkpọ nte. Inaha nnyin ifehe mme mmọ oro edoride nnyin ikọ, koro Abasi eyefak ndinen owo. Usen ke edi emi Abasi ediyararede mme ndedibe nkpọ emi mme owo enamde, ndien utom kpukpru owo eyeyarare mme mmọ eto Abasi. Se mmọ ekekpemde eto Jesus mmọ ekenyene ndikwọrọ ańwa-ańwa nno ofuri ererimbot, ifeheke mmọ eke ekọbode mmọ, koro Abasi ekekpeme mmọ, baba owo kiet idinyũ itukke ukpon mmọ. Mmọ ekenyene ndifehe Abasi emi ekemede ndibiat ikpohidem ye ukpon ke hell.

Mme asua owo eyedi mbon ufọk esie. Ndusuk ini mmọ emi etim ekọbode nnyin edi mbio ufọk nnyin. Ke ndusuk idaha ubahare esidu ke ufok: Mme ete ye eka eńwana ye nditọ, ndusuk nditọ eńwana ye mme ete ye eka koro usuk enyene erinyańa enyũ enim Jesus ke akpanikọ, edi mbio eken esin Enye.

Ke ini Jesus ama ekemen nte Eti-mbuk ọsọńde owut mme Apostle, Enye etiń ọnọ mmọ abańa ima ye ukpeme emi otode Ete mmọ emi odude ke Heaven, onyũ etiń ọsọń ọnọ mmọ ete ke baba ekpri inuen kiet ididuohọ ke ini Enye midiońke ntak, ndien ke mmọ eson urua ekan mme inuen oro.

Mme item emi ekenode mbet enyene ata nti ukpep-nkpọ ọnọ nnyin mfin: ndinyene ibuo nte urukikot, nyũ mfure nte ibiom;” ndifiok nte ke ukut eyedi; ndibuotidem ke anana utit ukpeme Abasi ye ikot Esie, ndiwuk enyin nnyin nse nsinsi iduń.

Nnyin inyene ndinam akpanikọ ke ikot emi Abasi okokotde nnyin, inam utom emi Abasi ọnọde nnyin ke Gospel ekpedi okpokpon mme ekpekpri, ibiom kros nnyin ke ime ke usen ke usen oro edi, mme mfina ye idomo emi etienede nnyin ke ini inamde utom ke ufok nnyin ke usen ke usen, edide ke nkpọ ikpohidem mme edide ke utom Ọbọn; ye ke ndinam akpanikọ ke edimum idaha edinen ido nkama; ke kpukpru emi etim eyom ufon mbio efen.

Obio Ubọ̀n Heaven

Mmọ ekenyene ndika n̄kọkwọ́ọ ete, “Obio Ubọ̀n Heaven ke ekpere.” Jesus ye John Baptist ema ekwọ́ọ ukem etop emi. Mme babru n̄kpọ-ntibe, mme ekebe utiñ ikọ, mme uruk ukwak ikoduhe; kpukpru etop ekesuan ke ikọ inua.

Enye ama ada n̄ke etiñ ọ́nọ mmọ ete ke Imọ iyenim obio ubọ̀n ke edikem ini. Enye ama etiñ abaña Ọ́bọ̀n kiet emi akakade anyan idut ke anyan ini man ọ́kọbọ obio Ubọ̀n ọ́nọ Idemesie ada afiak edi. Christ odu ke “obio” oro idaha emi; Enye eyewara ọ́nyọ̀n edi edibọ obio ubọ̀n Esie, emi Enye ekekpede ekọm-urua ndifak ubon owo. Do ke Enye editie ke ebekpo Obio Ubọ̀n Esie. Nso edidiọ̀n ke nnyin inyene ntem mfin, ndinyime utibe Eti-mbuk emi man idu ke mbeñe-idem ndisobo ye akwa Edidem ke ini Enye edidide etiene Ikọ́t Esie!

MME MBUME

14. Siak enyiñ mme Mbet duopeba.
15. Ekedọ̀n mme Mbet duopeba etiene mme anie?
16. Nso eketiene ufọk emi ekedarade mmọ?
17. Ke obio ekesinde ndidara mmọ, mme Mbet ekenyene ndinam nso?
18. Nte Ọ́bọ̀n ekedi ndisin emem mme ubahare ke ererimbot?
19. Nso itie ke mme ete ye mme eka nnyin ekpenyene ke esit nnyin?
20. Nso edi ntak mme Mbet mikanaha nte eyom okuk ke edikwọ́ọ́ Ikọ́ Abasi?
21. Ke Jesus ọ́kọdọ̀nde mme Mbeteka ekekwekwe ikọ, mmọ ekesaña ifań ifań?